

道書集成

九洲圖書出版社



雲笈七籤卷之四十一

攝一

七籤雜法

沐浴

太上素靈經云太上曰兆之為道存思大洞真經每先自清齋沐浴蘭湯

太上寶靈無量度人上品妙經云道言行道之日皆當香湯沐浴

黃籙簡文經云奉經威儀登齋讀經當沐浴以精進若神氣不清則視與希落

紫虛元君內傳云夫建志內學養神求仙者常當數沐浴以致靈氣王女降祥不沐浴者故氣前來三宮穢汙

仙公請問經云經淨不以香水洗沐則視魄奔落為他鬼所拘錄

三元品戒日常以正月十五日七月十五日十月十五日平旦中夜沐浴東向以杓迴香

湯左轉三十二通閉目思日光在左目上月光在右目上五星經絡頭上五雲蓋體四靈

侍衛訖便叩齒三十二通祝曰

天澄氣清五色高明日月吐曜灌我身形神

律內澳香湯鍊形光景洞耀煥映上清氣不

受塵五府納靈罪滅三塗禍消九冥惡根斷

絕福慶自生今日大願一切告盟身受開度

升八帝庭卑仰咽液三十二通止便洗沐單

冠帶衣服又叩齒十二通祝曰

五濁以清八景以明今日受錄罪滅福生長

與五帝齊參上靈祝畢便出戶入室依法行

道夫每經一殫皆須沐浴修具致靈特宜清

淨不則多病侍經具官計人罪過沐浴香湯

用竹葉桃枝栢葉蘭香等分內水中煮十數

沸布囊濾之去滓加五香用之最精

太丹隱書洞真玄經云五香沐浴者青木香也青木華葉五節五五相結故辟惡氣檢魄

一帝皇隨香炁而來下懸子之面目間焉燒

香夜特亦常存而為之

黃氣陽精三道順行經云上學之士服日月

皇華金精飛根黃氣之道當以立春之日清

朝黃自並桃皮青木香三種東向沐浴

西王母寶神起居玉經云數澡浴要至甲子

當沐浴不雨當以幾月日旦使人通靈浴

不患數患人不能耳湯鍊尸屍而真氣來入

又云太上九變十化易新經曰若履殭穢及

諸不淨處當洗滌浴盥解形以除之其法用

竹葉十兩桃皮削取白四兩以清水一斛二

斛於釜中煮之令一沸出適寒溫以浴形即

萬殭消除也既以除殭又辟濕痺瘡癰之疾

青木香一觔白檀一觔凡五物切之以水二斛五野薺取一斛二斛以自洗浴也此湯辟惡除不祥降神靈用之以沐并治頭風太上七晨素經云每以月一日十五日二十三日一月三取三川之水一斛一經云三川水取三江水一經云取三井水亦佳雖香青木香零陵香薰陸香沉香五種各一兩持內水中煮之水沸便出盛器之中安著床上書通明符著中以浴未解衣先東向叩齒二十四通思頭上有七星華蓋雲霞覆滿一室神童散香在左玉女執巾在右畢取水含仰漱左右三通祝曰
三光朗照五神澄清天無浮翳地無飛塵沐浴東井受胎返形三練九戒內外齊精玉女執中玉童散靈體香骨芳上造玉庭長保元吉天地俱昇畢脫衣東向先漱口三過次洗手面然後而浴也浴畢轉西向陰祝曰
洗濁除塵洗穢返新改易故胎永受太皇事訖取符沉著井中天帝君沐浴上法受之元始天王按法修行體香骨芳得為帝皇傳付

天帝君修行得流精紫光覆冠帶身天帝君傳南極上元君上元君修行得流芳上徹香闕三清傳付太微天帝君修行五方自生神芝來會帝房傳付上聖金闕君金闕君修行面生玉澤體發奇光傳付上相青童君青童君修行香光三清光映十方此之妙道非世所行秘在南極紫房之內有分應仙當得此經按文修行三元紫房體生玉澤面發奇光神聰奇朗究徹無窮能行其道白日登晨外國故品經云沐浴金門冠帶神輝學同天人齊極二儀高上合懽萬仙總歸正虛結符永無傾危
沐浴七事獲七福
沐浴身心經云沐浴內淨者虛心無垢外淨者身垢盡除存念真一離諸色染證入無為進品聖階諸天紀善調湯之人功德無量天真皇人復白
天尊未審五種香湯獲七福因何者為是何所修行有何勝業願更聞晚天尊答曰五香者一者白芷能去三尸二者桃皮能辟邪氣

三者柏葉能降真仙四者零陵能集靈聖五者青木香能消穢召真此之五香有斯五德七福因者一者上善水二者火薪三者香藥四者浴衣五者澡豆六者淨巾七者靈湯此七福因能成七果一者常生中國為男子身二者身相具足三者身體光明眼瞳微視四者髭髮紺青圓光映項五者唇朱口香四十二齒六者兩手過膝七者心聰慧通了三洞經法

沐浴吉日

正月十日沐浴令人齒堅
二月八日沐浴令人輕健
三月六日沐浴令人無厄
四月四日沐浴令人無訟
五月一日沐浴令人身光
六月二十七日沐浴令人輕健
七月二十五日沐浴令人進道
八月二十二日沐浴令人無非禍
九月二十日沐浴令人辟兵
十月十八日沐浴令人長壽

十一月十五日沐浴令人不憂畏
十二月十三日沐浴得玉女侍房
洞玄真一五稱符上經云黃帝曰天老以小
兆未知天炁故受此靈寶五稱符經按東井
識清源吉日沐浴齋淨受靈寶符

正月十日人定時
二月八日黃昏時
三月六日日入時
四月四日日昃時
五月一日日中時二十九日巳時

六月二十七日食時
七月二十五日早食時
八月二十二日出時
九月二十日雞三鳴時
十月十八日雞初鳴時
十一月十五日過夜半時
十二月十三日夜半時此皆當天炁月宿東
井時與神仙合會此日蘭湯沐浴已也
老君河圖修身戒云
正月十日人定時沐浴陰過無極

二月八日黃昏時沐浴除過二千
三月六日日入時沐浴除過三百
四月十三日夜半時沐浴除過二十
五月一日日昃時沐浴除過二十
六月二十七日日中時沐浴除過六百六十
七月七日日中時沐浴除過七百三十
八月二十五日人定時沐浴除過七十
九月二十日日出時沐浴除過九百六十
十月二十八日平旦時沐浴頭白返黑壽同
仙人除過無極

十一月四日雞鳴時沐浴除過二十三
十二月三十日夜半時沐浴除過三十
洞玄二十四生圖經云天河濯東井石景水
母精圓光拂靈曜玄輝瑩高明元始披重夜
天人逐月生沐浴瀾池上龍負長更祝金童
灑香華玉女流五星冠帶濯玉津鍊度五仙
形體香萬神降乘景登高清
洞真太上黃素四四方經云凡存念上道
呪除三尸之時常當採取白芷草根及青木
香合以東流水煮取其汁以沐浴於身辟諸

血尸惡炁可和香燒之以致神明若無青木
香者亦可單用白芷
清虛真人曰每至甲子必當沐浴
紫微夫人曰沐浴不欲數者鬼之性也性達
鬼返是鍊其濁穢鬼自亡矣

真誥云南嶽夫人曰浴不厭數惡人不能耳
數則盥鍊尸臭而真炁來入
金房度命上經云修度命迴年之道每以六
癸之日取社泉之水一斛就本命日取白芷
桃皮栢葉各一觔合煮令沸正中而浴臨浴
之時向本命叩齒九通思玉童三人執巾在
左玉女二人擎香在右紫雲華蓋覆到前後
微祝曰
天地洞清洗穢除塵鍊化九道返形太真百
關納靈節節受新清虛監映內外敷陳日吉
時良度命迴年玉童玉女為我執巾玄靈紫
蓋冠帶我身使我長生天地同根畢便浴浴
訖還入室東首而卧取粉自飾通身令布仍
摩兩掌令熱拭面二七又微祝曰
天朗無清我身已精虛穢消除九孔受靈使

我變易還返童形引骨更生體映玉光面發金容

洞神經第十二云上元齋者用雲水三斛青木香四兩真檀七兩玄參二兩四種合煮一沸清澄適寒溫先沐後浴此難辦者用桃皮竹葉剉之水一二斛隨多少煮一沸令有香氣人人作浴內外同用之辟惡除不祥沐浴室令香淨勿近圓澗勿過井竈勿侵堂壇勿用穢地故廁牢獄尸柩堂居皆不可用

栴沐浴

道書云凡道士理髮將髮及沐頭特散髮之時先叩齒七通乃祝曰

太帝散華玄歸大神今日元吉理髮沐塵辟惡除患長生神仙畢乃髻之竟又叩齒七通都畢此名為太帝散華理髮內法令人終年不病耳目聰明頭腦不痛

凡道士浴身及洗手面之時先臨水叩齒三通乃祝曰

利貞保亞黃裳祝畢又叩齒三通乃洗手面此名為澡穢除凶七房祝法常能行之者使人神明血淨辟諸凶氣

解穢并歌

夫神氣清虛真靈所守身心混濁邪氣客人入靖思具要須清潔不履衆惡吉祥止焉道士女官受法已後特忌淹穢諸不宜者不在履限

玄都律曰民家淹淨不過晦朔不得入治哭亦三日穢三年之喪未滿百日並不得書符

奏章朝具入靖違者奪算一紀

太極法師曰道士女官先無淹穢哭亦不淹唯須佩錄者身或被縣官繫閉出後香湯沐浴解淹穢三日已後始得入靖夫淹忌臨屍入產婦室及喪家齋食產家三日并滿月及見喪車靈堂六畜生產抱嬰兒胎穢哭泣不得言死亡事及不祥事午前忌之不得見血肉死禽獸寢卧搯髮飲食便曲並不得向址便曲不得視三光齋十二辰肉魚腥五辛並忌若婦人有經通不得近亦不得與同房寢

卧并造醮食及近道場如夢洩亦須解穢若見死柩喪車速存火從自己心中直出往燒之赫然死柩喪車並為灰燼便想烈風吹之又閉目內視令火自焚舉體潔白見穢氣消滅即解矣又存一真人頭戴錄中九鳳真官口中含水噴洒穢亦消解乃朱書解穢符并書時三叩齒稱合明天帝日閉氣書之置水中以刀子左攪水三市想見北斗星在水

中祝曰

百淹之鬼速走萬里不走斬死西方白童子急急如律令則含水噴洒穢氣都散歲除日不浴元日不沐尋常五日一浴十日一沐皆用桃竹

朝禮

朝真儀云每月一日十五日三元日庚申甲寅甲子八節三會本命等日並須朝禮若與戊辰戊戌天父天母殺害日常日殺同者即不可為之凡朝禮先一日以桃湯澡浴如法在解穢篇中並不得食葱薤韭蒜乳酪等至其日更潔衣服執香爐至靖戶外叩齒三通

微祝曰

守靖王女四明功曹今欲朝禮願通達上聞
便開門先進左足至香案前置爐案上執簡
平立臨目叩齒三通存思玉童玉女在香案
左右即長跪三捻香訖起平立又微傳身發

爐祝曰

太上玄元五靈老君當召功曹使者左右龍
虎君捧香使者三氣正神急上開啓三天太
上玄元道君今正爾燒香朝真願得九天
正真生氣降身中令且所啓速達還衛

太清紫微宮真玄元大道君凡前畢起存心
若至金闕前再拜訖又長跪叩齒二十四通
祝曰

正一盟威弟子某甲稽首歸身歸神歸命

太清玄元無極大道太上老君太上丈人天
帝君天帝丈人九老仙都君九炁丈人百千
萬重道炁千二百官君太清玉陛下且幸實
夙慶得奉道真竊不自揆輒希長生誓已立
功修德乞願赦且積生已來至于今日所犯
元惡重罪咸賜蕩除許且自新補復前咎令

九祖父母幽魂苦爽皆下拔九幽上昇天衢

令且修造克合誠請削除死籍注上玄籙闔
門之內共保元吉生成之惠實在於此且某
叩頭便以簡叩頭謹落若更有此事任隨
君言之但不得繁矣訖又再拜便於禮處伏

地以簡叩頭擗頰訖復爐祝曰

香官使者左右龍虎君捧香使者三氣正神
當令朝真之所自然降金丹玉芝之英百靈
衆真交會在此香火案前令且修造克合至
真闔門受福天下蒙恩仙童玉女侍衛香煙

傳奏所啓徑御

至真帝前燒香時勿反顧頭則竹真氣致裏
應又勿罵喧使至平明須了矣

太素真人隱朝禮額上仙法

受大洞上訣施行雌一讀太丹隱玄五晨金

華經者常月密朝太素三元君以正月十日
二月九日三月八日四月七日五月六日六
月五日七月四日八月三日九月二日十月
十一日十一月十二日十二月十三日夜於
寢靜之室燒香吐向心存三君再拜訖坐卧

任意稽首心祝曰

謹啓太上大道高虛玉晨太素紫宮三元帝
君中央黃老無英白元玉皇大帝五老高真
太極皇精玄皇玉君其大洞三景弟子謹
以吉日之夜天關九闕之間上聞太上太素

三元玉皇真君前乞得長生世上壽無億年
時乘黃晨綠蓋龍轅上詣紫庭役使萬神侍
衛四明太素帝君畢常當行之勿令人知也
此太極真人隱朝三元夜禮額之道也昔常
安李仲子不知他道又不施行太丹之事

三元之法唯偶得此隱朝之道按行之三十

年得乘雲駕轡昇入玄洲仙人王履冰趙雙
成范叔友管平阿李明延安生之輩皆得此
道而昇崑崙之房或在神州或在三玄宮也

朝極

旨曰月用一日一年有四日不同常步日及
上生日不同者及同者並依常法充各依時
玉朝若甲子日八節日與四時同者亦止一
步而為二朝以玉皇為始若欲各步各朝以
午時朝極子時朝中元旨曰春正月一日二

月二十日三月二十七日皆曰步綱畢正身
入斗魁中東向視歲星在肝中步綱於
則上左理身左足先下入魁中舞天極下陰
精明星之間東向右足併立隨氣目存歲
星精象固如珠青光照洞從天來下飛入我
口小開口受而吞之還在肝中內外合吸良
久乃通氣開目餘星皆微此各依本宅及所
生之歲皆曰拜拜好安處而足拜跪勿令犯
諸星網脫長極並當以麻網上不關不得也
皆曰心祝曰

太歲元神木公九元陽華玄氣靈來入身皆
曰祝畢叩齒九通畢起左理身天極而出若
惟六甲日仍在行步三台六甲日左行諸
五星歸口餘四朝微此皆四月八日五
月六日六月十八日皆曰正身入斗魁中南
向視歲星在肝中拜拜跪心祝曰
南上元神大陽四光仲離丹水來入身皆
曰祝畢叩齒九通畢起左理身天極而出若
惟六甲日仍在行步三台六甲日左行諸
五星歸口餘四朝微此皆四月八日五
月六日六月十八日皆曰正身入斗魁中南
向視歲星在肝中拜拜跪心祝曰西

上太玄金精七通至元二帝氣理胎胎骨
祝畢叩齒九通畢起左理身天極而出若
惟六甲日仍在行步三台六甲日左行諸
五星歸口餘四朝微此皆四月八日五
月六日六月十八日皆曰正身入斗魁中南
向視歲星在肝中拜拜跪心祝曰

此玄紫辰金車水元龍胎化靈來入一身皆
曰祝畢叩齒九通畢起左理身天極而出若
惟六甲日仍在行步三台六甲日左行諸
五星歸口餘四朝微此皆四月八日五
月六日六月十八日皆曰正身入斗魁中南
向視歲星在肝中拜拜跪心祝曰

在脾中拜拜跪心祝曰
太極九真流陰陰根飛一却並來入泥丸皆
曰祝畢叩齒九通畢起左理身天極而出若
惟六甲日仍在行步三台六甲日左行諸
五星歸口餘四朝微此皆四月八日五
月六日六月十八日皆曰正身入斗魁中南
向視歲星在肝中拜拜跪心祝曰

上清界太微官注云五靈書曰極真人太極
真人各有微送具在經文
朝玉晨君
正月四日 二月八日 三月十五日 四
月八日 五月九日 六月六日 七月七

日 八月八日 九月九日 十月五日
十一月三日 十二月十二日

太上大道玉晨君常以此日中登玉霄琳房
四眇天下有志節遠遊之心者子至其日平
旦日出時北向拜拜亦可於中靜處理燒

香炷並刀拜兩臂於靜室中自陳本懷所願
曰真土小兆男婦上啓

太上玉晨玄皇大道君某以思真願仙歸心
奉朝伏希賜鑒神允誠請原赦某歷劫之殃
考一生之罪咎學道修身克蒙感遂長生度
世登侍霄房舉職陳三十過伏有叩拜使心
形極極良久起跪曲肱也

朝青童君

東海青童君常以丁卯日登方諸東華臺四
望子以此日常可向日拜拜日出行之至其
日時出於東庭壇前案如法乃拜若所居不
早見日者當觀東方所照然即可為之其方
諸山既在會稽東小近南若夏月日出東北
乃不可每五由日出要當向山所在為之佳
兩言則於靜室中拜而朝之長跪曰

黃土小兆男生姓名謹上啓

九微太真玉明青保王金闕上相大司命高
晨師東海玉明青華小童道君某以塵濁罪
穢願棄清虛乞露所望仰蒙濟拔所以幽明
考證並希慈蕩業預仙階侍謁靈景目伏希
叩得使心形操極又再拜可因此以服日精
九月已後正月已前日出問在其方非其月
則拜畢轉身正對日行諸服飛華水每春日
五帝等法亦可正爾吸日精霞九炁之

隱朝胎元法

學生之法不可泣淚及多唾泄此皆為損液。
隔津使喉腦大竭是以真人道士常吐納嚙
沫以和六使常以本命之日向其方面叩齒
三通心存再拜而微祝曰
太一鎮生三炁合真室胎上景母玄父元生
我五藏攝我精神下灌玉液上朝泥丸夕鍊
七魄朝和三魂右命玉華左嘯金晨令我神
仙役靈使神常保利津飛行十天祝畢又心
拜四方叩齒三通此名為太上呪生隱朝
胎元之道常能行之令人魂魄保守長年神

仙

朝禮九天魂魄帝君求仙上法

常以月三日九日十六日平日旦向日九拜九
揖亦可心拜仰頭叩齒二十四通微祝曰
天魂九經上帝尊神太陽日精金門變仙小
兆玉王敢奏微言今日上告八願開陳請施
禮願仰希玄恩蒼龍朱鳳策雲紫軒五雲交
落六炁扇塵高上曲賜三元降真二景經絡
我道欣欣心朗耳聰目明色鮮體輕骨昇面
發華顏羽服生形飛造帝晨早仰天引日精
四十五嚙止行此三年目明徹視洞觀無窮
面有金容體生玉津九年能行身外無影飛
空玄虛也若天陰無日於密室心存行之亦
感於自然也
又以月五日十五日二十五日此三日皆以
人定時向月九拜九揖亦可心拜仰頭向月
叩齒十六通祝曰
魂精魄靈九天同生石景水母太陰朗明排
徊月宮治鍊金庭二景合原上古時清八會
交帶我願克成願光願容願鮮願榮願神願

仙飛行上清畢仰引月精四十五嚙止

魂精帝君即九天司命部九天之魄精下統
後學算命也帝君鎮在日門金庭之內魄靈
帝君即九天丞相主九天之魄靈下統後學
之錄籍也鎮在月宮琳瑯之都

凡脩上道旦夕坐起叩息常當存念日在頭
上月在口中魂精帝君在泥丸魄靈帝君在
明堂心存目想常使彷彿將其踰年真形見
也青白分也九年能乘空飛行上登晨燈之
館遊宴虹映之山也

朝太素三元君受行先進洞房之事。
若依此朝若未修其道者則不得為
之

正月九日 二月八日 三月七日 四月
六日 五月五日 六月四日 七月三日
八月二日 九月一日 十月十日 十一
月十一日 十二月十二日
夜用子時左右於寢靜社向六再拜訖起跪
施香案具冠服再拜訖更一拜便長跪曰
謹啓

太上大道高聖玉晨太素紫宮八靈三元君
中央黃老君無奕白元太帝五老高真上仙
太極皇精三皇玉君大洞三景弟子其謹以
吉日之夜天關九開之門上聞太上玉皇真
君乞得長生世上壽無億年時兼黃晨龍棘
上詣紫庭役使萬神侍衛四明畢勿令人知
太素三元君女子也德凝虛无神高太上教
制天真領理萬民三元君乃一女子耳積感
瓊瑤虛生霄晨結煙散景道陵玉真夫三元
君之出遊也則日月傾曜烈燭拔根八風揚
波颺蕩幽源連暉九萬高霄儼晨絳霞數
黃雲九縷於是五老啓述太帝扶軒西皇東
御東華揚播九天為之顛倒太無為之起煙
幽居隱藹八景連塵顧盼羅於無上俯仰周
于百圓大哉高皇是曰太素三元君夜在密
室常存三元君來在室中心拜心語如是不
替則所向如願萬事克和此為真人致神仙
之要法也
太素三元君服紫炁浮雲錦被九色龍錦羽
裾建寶琅扶晨羽冠腰流金火鈴虎符龍書

而座空中馬膝下常有綠丹青三素之雲黑
鬱然冠其形也太素三元君常誦曰
太無連玉清三曜洞高明八素迴表風散雲
騰飛靈圓輪擲崆峒金映冠天精玉華結五
老紫煙運霄輶乘赤炁蕩玄房委順扶所經金
姿曜九霞玉質躍寒庭幽童迴孩時老父還
返學帝一固泥九真保黃寧視眄萬劫外
齊此九天傾若存念之時當誦此誦之作云
是玉清上官之唱以和於形魂之炁也若存
三元君若首作頌雲三角髻餘髮散垂至腰
○中醫上乃冠扶晨冠耳子存感致若亦將見
之於紫房及左右也此者之間當有太素玉
女三寶真人來降於子矣欲行此道常當別
寢獨處不雜他人每事亦爾非唯此一事而
已

雲笈七籤卷之四十一

十九

雲笈七籤卷之四十二

攝二

太上洞真經三十九真法

存思

存大洞真經三十九真法

太微小童

讀高上虛皇君道經當思太微小童千景精
真氣赤色煥煥從兆泥九中入下布兆身古
本之下血液之府畢微祝曰
真氣下流充幽開鎮神固精塞死源玉經慧
朗通萬神為我致真命長存拔度七祖返胎
仙畢引赤氣三嚙止便讀玉經畢又祝曰
天有大隱生之靈寶稱曰明梁上之氣守我
絕塞之下戶更受生牢門之外乃又召益元
之羽童列于綠室之軒使解七祖百結隨風
離根配天還基連變入玄玉清隱文又祝曰
元氣非本生五塗承靈出雌雄寄神化森羅
運幽鬱玉音響太和萬唱元中發仙庭迴九
變百混同得一易有合虛中俱入帝堂室畢
此高上祝秘文泄之七祖充實
太一尊神

讀上皇玉虛君道經當思太一尊神務猶收
真氣紫色爛爛從兆泥丸中入下布兆玉枕
之下泥丸之後戶畢微祝曰

太一保命固神定生爲我上招帝真之氣下
布紫戶之庭玉經仰徹九元朗明七祖同歡
俱昇上清畢引紫氣三嚙止便讀玉經畢又
祝曰

兆身常死關結胎害百神百神解胎結披散
胞內振七世入帝室一體合神仙神會王
堂七祖生南宮併帶理明初同席後道康萬
具守身形是日藏初明帝一廻離雄保鎮百
神門閉塞萬邪戶受事九宮間典禁召司命
三日朝既九

帝君

讀皇上玉帝君道經當思帝君延陵竟真氣
紫光鬱鬱從兆泥丸中入下布兩眉中間紫
戶之外宮畢微祝曰

帝君度符籍正氣召萬神上招玉真充氣布
兩眉間混一生帝景三素成我仙馳祭乘龍
蓋遶昇高上軒畢引紫氣三咽止便讀玉經

畢又祝曰

扶搖始曜生紫雲映玄阿煥洞圓光蔚晃朗
濯耀羅眇眇靈景元森灑空清華九天館玉
寶金房唱寶歌賢哉對帝賓役召伯幽車七
祖解胞根世世爲仙家玉清隱文又祝曰

丹皇運珠守鎮死門上一赤子玄帝凝天一
名伯元上亦爲三元先扶我養我使我登雲
輪常坐上清軒七玄爲仙君
元英公子

讀上皇先生紫晨君道經當思左元英公子
玄元叔真氣玉光奕奕從兆泥丸中入下布
兆左腋之下肝之後戶畢微祝曰

元英神真生紫皇三氣混合成宮商招引真
氣鎮勝腕運流三丹會洞房爲我致仙變丹
容飛昇雲館入金壙畢引玉光三咽止便讀
玉經畢又祝曰

神安氣洞上與天通越出地戶過度天門隱
息四維七星散分飛行陰房日月植根守金
藏玉制御萬神仙玉何人我已成真隱存雌
雄玄洞四鄉結中青氣號爲延昌字日和嬰

理今年長玄歸國內慶玄宰張我日成真飛
仙雲京

白元洞陽君

讀太微天帝君道經當思右白元洞陽君真
氣金光耀耀從兆泥丸中入下布兆右腋之
下肺之後戶畢微祝曰

洞陽靈靈標魂生金光煥煥氣中精招真固
神令長生拔出幽根還胎學靜養御氣昇玉
清畢引金光三咽止便讀玉經畢又微祝曰

洞陽靈靈標守體死門開戶出三尸盡受入
九真源解胞散滯血百節生正神七祖滅尸
禍拔殖後葉惠黑氣滅來生所斷胞死根世
世受道德後獲帝仙卿帝仙是何人明明七
葉孫乃祖入丹都併坐精上門
司命夫人

讀三元紫精君道經當思中央司命夫人君
真氣紫雲之色爛爛從兆泥丸中入下布兆
絳宮心房之中畢微祝曰

司命定年丈人保仙度名於南宮上奏帝君
前世世爲仙王拔出七葉根福報元窮已皆

著玉經言畢引紫雲氣三咽止便讀玉經畢又祝曰

會元三機交撈領迴胎嬰承光守下關務玄待月明於是混雜回舊明車受成福延七世禍散玄生守景六合陵梵七靈共生億千款

昇玉庭嬰兒徘徊羽衣命仙古濟萬萬福布千十骨有玉映血承瓊泉生樂天地日月同年玉清隱文又祝曰

福布七玄前罪滅三塗中靈吹九最妙納氣大帝宮五仙揚太一併位重冥空遂隱上清室羽明帝一房

桃孩君

讀真陽元老玄一君道經當思命門桃孩君道康真氣黃雲之色從兆泥九中入下布耗脐中命門之外畢祝曰

真雲正神號曰桃君混合生官守護命門通仙致氣齊景雲七祖同生受福高晨畢引黃雲之氣三咽止便讀玉經畢又微祝曰

五歲真人定錄四宵司錄促到護籍理民起非握節雲拘執稽香風八披惡魔絕煙並來

對帝萬萬福度我生籍名邊玉門扶翼五老慎護披塵玉清隱文又祝曰

太上時非子一曰合精延是為命門王可以召萬神萬神即時到金會理羽門使令散禍禍絕福連上寢玉堂世受名仙

上一赤子

讀上元太素三元君道經當思泥九天帝上一赤子真氣如寶光從兆泥九中入下布泥九九孔之戶畢微祝曰

上元赤子就上真飛雲羽衣耀紫煙上招明景對帝寶光奕奕映我身身生毛羽昇九天畢引寶光三咽止便讀玉經畢又祝曰

童子景精有神有威合象三形九道相推衣服朱丹步正參差出入上元太極內階知我者長生存我者不衰人元哭兆情頓辟非欲

知吾處密問太微太微玉帝三聖徘徊使我左右一合俱飛混洞六府日月齊暉玉清隱文又祝曰

九道韓對五老各寧洞陽街籍號曰鬱靈七世父母反胎更生累業積罪罪滅福生上入

帝室受書丹明常與伯史原徘徊三界庭中金佩明寶曜圓形玉輪吐回役御朱兵中一丹皇君

讀上清紫真精三素君道經當思絳宮中一元丹皇君真氣日光之色從兆泥九中入下

布頂中大椎骨背之戶畢微祝曰

中一真君號曰運珠上招日光灌我形軀三真寶曜圓命玉符每億萬年永元終休身生羽服飛昇天衛畢引日光三咽止便讀玉經畢又祝曰

天有九魂不可不分道有三真不可去身帝一變景萬化以臻疏珠停曜紫雲踊煙七度迴路三光映真太一精符相與為親司命衙月虛我重層五老衙日吸我三便太上道君與我纏綿上造天階携把太真

黃庭元王

讀青靈陽安元君道經當思命門下一黃庭元王真氣月光之色從我泥九中入下布兩

院間卑軸下戶畢微祝曰
下一真元王號曰始明精三皇把符命金契

度仙庭上招景中氣氣布冠我形羽車曜雲
羅令我飛上清畢引月光三咽止便讀玉經
畢又祝曰

五藏百結生此萬疾玄一林虛開解結結
絕病散精神盈溢福氣充明橋翳傾竭仙心
日臻死道月絕混化九君合符帝一七神奉
符公子入室

九真帝昌君

讀皇清洞真道君道經當思泥九九真帝昌
君上皇真氣青光萬文從兆泥九中入下布
口之四際畢微祝曰

九真始生生於上元號為先靈三景各分上
招玄暉布流四門鎮神保仙拔度七玄勝景
乘浮朝拜三元畢引青氣三咽止便讀玉經
畢又祝曰

七氣離羅太混黃掌六甲輔魂內注六丁三
真入胃液流大明五符上皇泥九常生九星
下映日同母耕遊眇八極通蓋雙嬰上到紫
房被巾羽青七祖父母各得返生
八真含景君

讀高上太素君道經當思膽中八真含景君
真氣黃雲之色從兆泥九中入下布兆背脊
骨節之府畢微祝曰

八真結神神生九天號曰北臺君常在三合
間招真洞明氣下流布我身身生紫暉與帝
結親甥契五老太仙纏綿畢引黃氣三咽止
便讀玉經畢又祝曰

生生得帝心各會重戶內紫房泥五神魂魄
恒寶貴七關受仙輝五藏充玉氣俱遇水火
天披達四和蔚上歸皇一子與兆魂相對

七真玄陽君

讀皇上四老道中君道經當思左腎七真玄
陽君右腎七真玄陰君真氣黑雲之色從兆
泥九中入下布兆背窮骨地戶中畢微祝曰
七真生帝景八氣運常寧上招日中童圓珠
映我形迴風混幽府歸妙大洞經拔出地戶
難離凌逸九天畢引黑氣三咽止便讀玉經
畢又祝曰

太一鬱書上登洞房六合三賓司命神公手
執錄籍駕景乘龍左迴靈曜右扇神風峨峨

隱珠分豔嬰蒙浩觀太元濯鍊五通澄魂明
幽鍊魄空洞招兆百神月帝之功七祖順生
景福昌隆迴我老父還復玄童上對神寶金
光十方飛馳玉輪彈金鳴鍾
六真元素君

讀玉晨太上大道君道經當思肺中六真上
元素玉君真氣白雲之色從兆泥九中入下
布兆頸外十二關梁之中畢微祝曰

六真奕奕白光央央迴帝之景上入丹鄉招
真下流灌我玉霜羽裾紛紛衣我仙裳越過
水火飛登神京畢引白氣三咽止便讀玉經
畢又祝曰

九合三離紫房散分五老正嚴帝一保神司
命泰籍奉行三元胞樹斷落血尸絕根返胎
朱大迴氣泥九我合九清大混百神身登玉
房同耕金仙道遠太素徘徊三天重華列簡
累支流玄世為道伯大福纏綿上寢王清下
息命門五藏秀華頂負日魂長保劫齡後天
常金
五真養光君

讀太清大道君道經當思肝中五真養光君
真氣如玉光金真之色從兆泥丸中入下布
兆喉內極根之戶畢微祝曰

五真散靈布氣九玄金光曜輝玉氣吐津萬
神並暢熙怡我身圓光奏命籍太一勅九天
降致八景與策龍駕紫煙混合三帝室保我
億劫年畢引玉光金真之氣三咽便讀玉經
畢又祝曰

晨登九景臺夕入神霄門太一神夫子或曰
三來竟左執兆符籍右拂洞陽君定生會紫
房五神更混分混分逸帝堂七祖絕死根五
毒氣靈滅緊津元津連令我尸血化帝房出
金元三塗絕苦樹世世獲天仙常與景中王
積劫保元元
四真清明君

讀太極大道元景君道經當思肝中四真清
明君真氣青雲之色從兆泥丸之中入下布
覺胃腕之戶膏膜之下微祝曰
四真常生青光華精聚絢秀朗垣沈珍玉景
庭擢提高上元俯仰要五靈披解七葉根與

我保華舉畢引青靈三咽止便讀玉經畢又
祝曰

帝室混身一道萬分是曰帝一白帝皓靈金
霞迴日重雲幽靈藏神化密祀兆五符與天
相畢玉曜覆蓋元死元疾七祖父母超登丹
室胞根八解死符絕滅帝得五元我迴三七
六府煥英金書羽札世為仙真寶錄玄別華
繁會玄世元曲折
三真元生君

讀皇初紫虛元君道經當思精血中三真元
生君真氣赤雲之色從兆泥丸中入下布兆
鼻兩孔下源之中畢微祝曰
三真煥光洩丹徘徊玄合九景三洞金席上
招朱重五苦廊開死根斷落日魂同飛超逸
十界上昇玉階畢引赤氣三咽止便讀玉經
畢又祝曰

七氣混合帝一迴元結滯日散兆命長遷死
道閉滅斷絕胞根五藏生華六府金解帝一
係形司命保神五符啓扉五籍登仙世為道
王帝師纏綿散香龍窻返華揚煙七拂无上

八暉九陳流源回液領會六淵名書上清氣
積寂軒迴風脫死帝一相連五通七合俱生
上元

二真堅玉君

讀元英中真上老君道經當思骨節二真堅
玉君真氣碧雲之色從兆泥丸中入下布兆
太倉五腸之口畢微祝曰

二真固神鬱勃三關迴金合玉堅備泥丸上
通帝氣布流金門混化啓明合我仙魂七祖
同飛滅絕胞根世保道德永享欣欣畢引碧
雲之氣三咽止便讀玉經畢又祝曰

魂生元中布在九重道出三極常遊絳宮三
宮合化是為紫房紫房所在先由明堂明堂
之內守神桃康風雲鬱鬱既清且涼塞閉欲
孔割破總根其聖曰謁其真曰窈兆能知之
乃開金門金門左右忽見高賢左曰父寧右
曰精延此是景中伯與爾登玉晨父寧母精
世世為仙萬條重華皆受帝恩
一真天精君

讀中央黃老君道經當思心中一真天精君

真氣絳雲之色從兆泥九中入下布兆會中
四極之口畢微祝曰

一真鎮心總領百神百神常生會我絳軒上
招玉氣六液沈珍赤景啓靈拔我七根超逸
三塗上昇南仙畢引絳氣三咽止便讀玉經
畢又祝曰

帝一迴風化合桃康流生起福上溢玉堂混
而合之出入帝房三五合一必成仙君七玄
父母滅尸散怨萬劫千年皆登上仙曲節伏
危廣敷鬱申守我形者司命丈人帝君公子
深因泥九太微玉華羽服揚幡魂魄長相抱
百骨皆滿神神王生津上超越度死門遂友
高仙子把持玉清賓
九元之真

讀青籍上真內景君道經當思九元之真拘
制真氣五色雲氣從兆泥九中入下布兆左
耳之下伏晨之尸畢微祝曰
九天之精天關開窓八景合氣上通金房三
元帝室返老生翁玉華灌醮練改艾容飛霄
紫輿運我昇空畢引五色雲氣三咽止便讀

玉經畢又祝曰

太微小童常在帝前其名景精其姓曰干合
形太一被服朱丹五符命籍把持玉案帝君
所臨主通諸神混合太一司命丈人固保靈
戶五藏會分帝仙守宅凶種滅根三氣鬱數
八迴五煙我得昇霄駕龍明軒
皇一之魂

讀太陽九氣玉賢元君道經當思皇一之魂
上歸真氣玄雲之色從兆泥九中入下布兆
右耳之下伏晨之尸畢微祝曰

皇一上真洞生丹房朱映蘭曜發溢明光太
元之音朗微九空玄金獨落振響琅琅上招
玉景協我神堂策策虛昇飛遊宴玉京畢引玄
雲之氣三咽止便讀玉經畢又祝曰

九宮一合化形帝慶上昇紫房命真召仙會
清魂魄領括百神七玄康樂拔苦破根死煙
滅氣福極充軒兆登太霄駕景控雲月中五
帝挾日精輪鬱將返昇聽景同還
紫素左元君

讀太初九素金華景元君道經當思紫素左

元君翳鬱元刀真氣景雲之色從兆泥九中
入下布兆頭面之境畢微祝曰

翳鬱生真真景生空靈光呈呈紫氣融融上
致流津下布我宮身生水火體變玉光飛仙
羽蓋昇入神公受書玉經成我仙宗畢引景
雲之氣三咽便讀玉經畢又祝曰

慶元古津流汨西田太帝携手命召高仙拔
散濁穢斷絕死根上一天帝號玄凝天曜明
六合淨寂泥九是為百无上使兆保長安列
圖玉皇併襟帝晨五府生華六液龍源淵清
太素鬱霞金津萬仙來朝五嶽啓陳玄慈沈
散天福奏煙彤梁守命戶長來護死門上生
玉房受位金仙天之玉堂常接帝賢九天之
中安賜幼年
黃素中元君

讀九皇上真司命君道經當思黃素中元君
圓華黃刀真氣景雲之暉上華從兆泥九中
入下布兆胃腹之境畢微祝曰

九天上景化生華暉見暉太空曜真紫微上
致中黃百神降迴散根離苦八難豁開七紐

同昇福慶幾幾使我神仙八景齊飛畢引景
輝之氣三咽止便讀玉經畢又祝曰

太帝精魂陽堂八雲散死氣混合衆生帝

一承圖三元會明九真安安七神寧寧超越
降節過度尾兵上昇帝晨賜樂玉庭玄母定

錄五府閣清胞撒役種血行殄早七祖父母

起福三清元英明夫掌我仙經廣神安氣綠

迴絕冥開藏死關太混一生長寢羽臺上固

神五老室受錄上清關係德七元日上上登

玉霄下下合帝一

白素右元君

讀天皇上真玉華三元君道經當思白素右

元君啓明簡刃真氣月中之華從此泥丸中

入下布兆下關小腹至脚微祝曰

白素啓明九天生高虛素鬱淳景玉清迴

真典仙流灑八溟通幽達微胡曜華精使我

內徹五孔開明神公來遊我道克成畢引月

華之氣三咽止便讀玉經畢又祝曰

魂生九氣氣變成神五老經會太一化仙二

十四真迴形帝先九曲下戶鎮生白雲黃庭

六府含養命根胎結胞樹種栽死山一得拘
制永斷滅源符籍清明金映玉軒長爲德伯
世得道恩昇登日月遠友帝仙

日中司命

讀太一上元禁若道經當思日中司命接生

真氣三華之氣從兆泥丸中入下布兆左手

之戶畢微祝曰

四大衆天天元來歸三華吐曜司命景飛爲

我招仙七祖散閣上登太虛日月同輝畢引

三華之氣三咽止便讀玉經又祝曰

太一務猶收傳司北帝司玄一老子握節往

來元素把符白元守峰煥然神光明披霞昇

帝塘列坐霞雲席混合五日房白氣育上生

青君案延昌左携藉上門右抱合和學我生

日月華友賓赤氣王八景照泥丸朗然洞房

中嬰兒爲赤子混離生玉容五道秀金華位

爲上清公七祖斷玄滯身得乘神風徘徊三

清上和樂返嬰童

月中桃君

讀元座黃房具晨君道經當思月中桃君方

盈真氣月輝之色從此泥丸中入下布兆右
手之戶微祝曰

元座黃房內月中號方盈左宴朱顏臺右携

仙皇庭宴景三秀房結我神始生同飛入玄

玄七祖返華嬰畢引月輝之氣三咽止便讀

玉經畢又祝曰

九元鎮真五帝纏綿日月中王與兆爲親大

混三五離落魄魂百節金映玉液迴神五府

生華白氣運煙充溢三清紫房寶津上開仙

戶下塞死門令我羽簡玉帝之前七祖父母

返生南軒虎符攝魔龍旌命神太一金書招

東三官除滅死籍刊名玉真保生太上日月

同年

左目童子

讀太極主四真人元君道經當思左目童子

飛雲真氣日之華光從兆泥丸中入下布兆

左目之中畢微祝曰

四極太靈元君精映日華光溢童明光光二

景相照通我明梁三丹啓真我道開張毛羽

羅襪飛上玉京畢引華光三咽止便讀玉經

畢又祝曰

我乘混合氣經四九具丘養光太子子駢羅
執羽珠九尋衆帝生洞景迴須臾七祖結解
散纖積怨已除世生福昌玄祖獲仙書身
昇太霞宮控龍雲玉虛上朝上清皇見侍幸

正扶

右目童子

讀四斗中真人七晨散華君道經當思右目
童子晨學真氣月之華光從兆泥丸中入下
布兆右目之中畢微祝曰

七晨散華華散三元混合成具上招月魄為

我降靈降我仙門七祖同飛上朝帝君畢引

月之華光三咽止便讀玉經畢又祝曰

三素帝張上老君神生道因我魄遊遊係兆

六合腦憂苦沒曲門死氣閉地下身為帝一

君併襟舉六府鏡心升玄房熙氣泥丸野體

曜金輝羽錄召真白氣重鬱百神死鮮長與

日月符籙經緯世保道德永為天仙寂寂內

注遶昇帝晨

肺部童子

讀辰中黃景元君道經當思肺部童子素明
真氣五闕睥睨光從兆泥丸中入下布兆肺部
華蓋之門上通兩目之童畢微祝曰

童子素明黃雲九纏滄臺飛輪三神協真號

曰玄上景列位高皇賓總攝命百神携我入

紫煙畢引睥睨光三咽止便讀玉經畢又祝曰

二老在左右帝魂不可分三九變其上下太

一立其中根五神奉我生籍司命案我死門

九宮合而為一六合總而內真世獲仙書福

慶纏綿五老對席日月為親太一來迎上昇

帝晨七祖滯血皆為拔根返胎南宮受生帝

軒兆宴玉堂同襟帝輪世世列國羽服揚幡

子孫保昌慶及後玄長為仙伯役使萬神

胎中白氣君

讀金闕後聖太平李真天帝上景君道經當

思胎中一元白氣君務玄子太一精魂玄歸

子二神真氣三華之色從兆泥丸中入下布

兆五藏結喉之本訖微祝曰

金闕煥玉清白氣映丹霞明光鬱金鈴五色

吐三華流津宴寢堂給我始生牙玉符召百

神金威微萬魔保此億劫年仙道明凶邪畢

引三華之氣三咽止便讀玉經畢又祝曰

天生八氣迴合帝鄉五神奉符司命扶將技

斷死籍盡穢幽冥七世解結福延玉度血積

沈沒三素煥清兆昇天堂與帝合靈世得仙

契所願必成獲年日中植命月庭返胎重蒙

回為孩學生與天同壽與日并

結中青氣君

讀太虛後聖元景彭室真君道經當思結中

青氣君案延昌元君精魂保谷童二神真氣

氣如玉華從兆泥丸中入下布兆五藏大胃

上口微祝曰

離合九靈二真幽客太虛重天上携太一雌

雄混合同仙妙室上變九仙下解胎結七祖

慶欣五苦解脫使我飛騰靈化本質畢引玉

華三咽止便讀玉經畢又祝曰

種福九天外披尸地門下七玄解滯積斷樹

除憂苦返胎朱火官更生九玄戶真氣日日

臻禍害日日除兆昇三清室乘鸞上景庭命

與月母俱年隨日帝生累玄保仙籍迴老更

重嬰福昇六合內受圖永常生

節中黑氣君

讀太玄都九氣丈人主仙君道經當思節中

黑氣君越來生帝真精魂幽臺生二神真氣

玉光之色從兆泥丸中入下布兆九腸之口

伏源之下畢微祝曰

太玄何寥寥黑氣生上靈帝真洞明景九氣

合神廬變化十方領條欲聲明初萬真緣我

仙百關自清居七玄斷胞樹九曾昇福堂上

招景中子與我登飛與畢引玉光三咽止便

讀玉經畢又祝曰

帝魂離元阿常鎮兆生門伏尸滅落保魂寧

神玄母理光奉帝玉仙右命太一乃及兆身

此宴上清列為玉賓顏生日華年合月煙長

躋金房展景為隣除憂伏胃門拔苦三塗中

福積丹玄內慶充泥丸房百神混帝一大變

流迴風返兆朽艾形改貌為聖童世世入仙

堂玄玄登羽官大劫雖屢傾興日方增崇

胎胞中黃氣君

讀上清八景老君道經當思胞中黃氣君祖

明單天帝精魂理維藏二神真氣黃雲之色

從兆泥丸中入下布兆小腸二孔之本畢微

祝曰

上清曜玄臺八景奉天紀黃氣協神真精魂

對帝子太一度命籍五符固不死携仙帶展

輝迴風返形始拔苦出七祖同歡九玄裏畢

引黃雲三咽止便讀玉經畢又祝曰

白雲合神景乘素會太微上朝帝一室解帶

皇一階啓明金門中三陽召上歸昇我身內

神復蓋大明威大寶九華光映兆形招雲混

真散香雲靈含景月中返胎受生年侍曜景

命遽元傾身為仙玉保此上清世受真書玄

華玉庭

血中赤氣君

讀東華方諸官高展師玉保王青童君道經

當思血中赤氣君混離子司命精魂發紐子

二神真氣如赤雲之色從兆泥丸中入下布

兆百關絕節之下畢微祝曰

晨輝煥東霞丹景映高清二真協神宗落落

七華生五老飛帝席太一保童嬰錦雲曜幽

夜朗朗開重雲七祖勤符籍南極受胎靈高

晨聘雲與運我昇飛軒拔解億世基歡我萬

劫程畢引赤雲氣三咽止便讀玉經畢又祝

曰

五道混迴七門始分南和建節白帝彰形靈

標理魄會昌護神奉符登霄寢息玉軒定錄

環扎世為天仙三塗塞絕除伐胞根死氣沈

寥禍輪無連福臻重拔慶會華玄名書玉堂

內世為道德門

上玄元父玄母

讀扶桑大帝九老仙皇君道經當思上玄元

父高同生下玄玄母叔大玉帝皇太一重冥

空九帝尊神日明真太帝精魂陽堂玉天帝

九關魂錄迴通天紀帝魂照元阿七神真氣

混合蓮花之形從兆泥丸中入下布兆本命

之根胞胎大結之中畢微祝曰

元父玄母七真齊氣神公大帝九老并位為

我固生拔度十界日月同符九帝合契坐命

天魔萬靈來拜浮景三舉上震拔保億世畢

引蓮花之氣三咽止便讀玉經畢又祝曰